

ԳԱԳԱԹԱԺՈՂՈՎ

ԻՐԱԿԼԻ ՂԱՐԻԲԱՇՎԻԼԻ. «ԱՅՍ ՏԱՐԱԾԱՇՐՋԱՆԸ ՊԱՏԿԱՆՈՒՄ Է ՄԵՉ` ՀԱՅԱՍՏԱՆԻՆ, ԱՂՐԵՋԱՆԻՆ ՈՒ ՎՐԱՍՏԱՆԻՆ. ՄԵՆՔ ԿԱՐՈՂ ԵՆՔ ԱՅՍ ՏԱՐԱԾԱՇՐՋԱՆԸ ՎԵՐԱԾԵԼ ԽԱՂԱՂՈՒԹՅԱՆ ԵՎ ԲԱՐԵԿԵՅՈՒԹՅԱՆ ՀՆԱՐԱՎՈՐՈՒԹՅԱՆ»

Վրաստանի վարչապետ Իրակլի Ղարիբաշվիլին, հանդես գալով Դավոսի տնտեսական գագաթաժողովի շրջանակներում անցկացված «Ինչպես վերածել եվրասիական միջանցքը արահետից խճուղու» խորագրով բանավեճում հայտարարեց, որ այս տարածաշրջանը պատկանում է Հայաստանին, Ադրբեջանին եւ Վրաստանին, եւ այս երկրները կարող են իրենց տարածաշրջանը վերածել խաղաղության ու բարեկեցության հնարավորությունների:

Իրակլի Ղարիբաշվիլու խոսքով, Վրաստանը չէզոք միջնորդ է Ադրբեջանի եւ Հայաստանի միջեւ:

- Ինչ վերաբերում է Հայաստանի եւ Ադրբեջանի միջեւ հարաբերություններին, ապա ցանկանում եմ (Շարունակությունը՝ 2-րդ էջում)



ՍՈՑԻԱԼԱԿԱՆ

ԼԱՇԱ ԽՈՒՅԻՇՎԻԼԻ. «ԱՌԱՋԻԿԱ ԱՄԻՍՆԵՐԻՆ ԳՆԱՃԻ ՆՎԱՋԵՑՈՒՄՆ Է՛Ն ԱՎԵԼԻ ԿԱՐԱԳԱՆԱ»



Հունվարի 9-ին Վրաստանի կառավարության միատուն երկրի ֆինանսների նախարար Լաշա Խոսիշվիլին հայտարարեց, որ 2022 թվականի համախմբված բյուջեի ե՛ւ եկամտային, ե՛ւ ծախսային մասերը կատարված են:

Նրա խոսքով, 2022 թվականի 11 ամիսների համար տնտեսական աճի միջին ցուցանիշը սահմանվել է 10 տոկոս, ինչը նշանակում է, որ մեկ շնչին պատկանող համախառն ներքին

յալ բյուջեի հարկային եկամուտների տեսքով: Համախմբված բյուջեի վճարումների կատարումը կազմել է 23,1 մլրդ լարի, ինչը ծրագրված կանխատեսվող ցուցանիշի 100,2 տոկոսն է: Մեծ Լաշա Խոսիշվիլին եւ հավելեց, որ 2022 թվականի նախնական ծրագրված համակցված բյուջեի դեֆիցիտը սահմանվել է ՀՆԱ-ի 4,4 տոկոսը, սակայն տարվա ընթացքում բյուջեի դեֆիցիտն աստիճանաբար նվազել է եւ կազմել 3,1 տոկոս:

Նախարարը շեշտը դրեց նաեւ գնաճի մակարդակի նվազեցման վրա եւ նշեց, որ դեկտեմբերին գնաճը կազմել է 9,8 տոկոս:

- Առաջիկա ամիսներին, կարծում եմ, գնաճի նվազումն է՛լ ավելի կարագանա,- ասաց ֆինանսների նախարարը:

արտադրանքը կգերազանցի 6600 ԱՄՆ դոլարը: - 2022 թվականի համախմբված բյուջեի եկամուտները գերազանցվել են եւ կազմել 23,7 մլրդ լարի: 2022 թվականին մոբիլիզացված միացյալ բյուջեի եկամուտները կազմել են 19,4 մլրդ լարի: Դրանից 17,4 մլրդ լարին մոբիլիզացվել է միաց-

ԱՌՈՂՋԱՊԱՐՈՒԹՅՈՒՆ

«ԴԵՂԵՐԻ ԳՆԵՐԻ ԱՌԱՎԵԼԱԳՈՒՅՆ ՉԱԺԸ ՍԱՀՄԱՆԵԼՈՒ ԲԱՐԵԺՈՒՄԱՆ ԱՐԴՅՈՒՆՔՈՒՄ, ԴԵՂԵՐԻ ԻՆՔՆԱՐԺԵՔԸ ԿՆՎԱՋԻ 40 ՏՈԿՈՍՈՎ»

Փետրվարի 15-ից դեղագործական ընկերություններն այլեւս չեն կարողանա դեղերը վաճառել նշված գնից բարձր գներով: Ինչպես հայտարարեց Վրաստանի վարչապետ Իրակլի Ղարիբաշվիլին, բարեփոխման արդյունքում դեղերի ինքնարժեքը կնվազի միջինը 40 տոկոսով:

Նրա խոսքով, տեղեկատու գինն աստիճանաբար կսահմանվի նաեւ այլ դեղամիջոցների համար:

- Անցյալ տարվա սկզբին մենք բացեցինք թուրքիայի դեղագործական շուկան: Փոփոխությունից հետո հանրապետությունում դեղերի գինը նվազեց 60-80 տոկոսով: Թուրքական դեղագործական շուկայի բացման արդյունքում, Վրաստանի բնակչությունը տարեկան կտնտեսի մոտավորապես 200 մլն լարի:

Բնակչության համար դեղերի հասանելիությունն է՛լ ավելի մեծացնելու նպատակով, մենք սկսել ենք նոր բարեփոխում, որն ուղղված է դեղերի գնի առա-

վելագույն չափի սահմանմանը,- նշեց վարչապետը: Առաջին փուլում հաշվառման գին է սահմանվել ավելի քան 1300 քրոնիկ եւ ուռուցքաբանական դեղամիջոցների համար:

Դեղորայքի որոշվող գինը տարբերվում է օրի-գինալ եւ դրա անալոգային գեներիկայի համար, ինչը կապահովի միջազգային ապրանքանիշերի հետաքրքրությունը շուկայի նկատմամբ:

Առավելագույն սահմանային գները սահմանվել են մեծածախ եւ մանրածախ վաճառքի մակարդակով:

Փոփոխությունն ուղղված է բնակչության համար դեղերի հասանելիության ավելացմանը:

ՎՐԱՍՏԱՆ - ՀԱՅԱՍՏԱՆ

ՆԻԿՈԼ ՓԱՇԻՆՅԱՆ. «ՀԱՅ-ՎՐԱՅԱԿԱՆ ՀԱՐԱԲԵՐՈՒԹՅՈՒՆՆԵՐԸ ՊԵՏՔ Է ԻՆՍՏԻՏՈՒԹՅՈՒՆԱԼ ԴԱՌՆԱՆ ՈԱՅՄԱՎԱՐԱԿԱՆ ԱՌՈՒՄՈՎ»

Հունվարի 19-ին Հայաստանի վարչապետ Նիկոլ Փաշինյանը երկրի Ազգային ժողովում կառավարության հետ հարցուպատասխանի ժամանակ պատասխանելով «Քաղաքացիական պայմանագրից» խորհրդարանի պատգամավոր Շիրակ Թորոյանի՝ հայ-վրացական հարաբերությունների մասին հարցին, նշեց, որ Վրաստանի հետ 2020 թվականի առևտրաշրջանառության արդյունքները շատ տպավորիչ են. Վրաստանի հետ առևտրաշրջանառությունը մոտեցել կամ հատել է 1 միլիարդ դոլարը:



Նիկոլ Փաշինյանն անդրադարձավ երեւանում կայացած Հայաստանի եւ Վրաստանի միջեւ տնտեսական համագործակցության միջկառավարական հանձնաժողովի համաձայնագրի ստանդնել են երկու երկրների վարչապետերը: Դա տեղի է ունեցել նախորդ տարի, եւ արդեն երկրորդ դեպքն էր, երբ այդ ֆորմատով աշխատանքներ են իրականացվում: 2020 թվականի առևտրաշրջանառության արդյունքը (Շարունակությունը՝ 2-րդ էջում)

յաստանի եւ Վրաստանի միջեւ տնտեսական համագործակցության միջկառավարական հանձնաժողովի համաձայնագրի ստանդնել են երկու երկրների վարչապետերը: Դա տեղի է ունեցել նախորդ տարի, եւ արդեն երկրորդ դեպքն էր, երբ այդ ֆորմատով աշխատանքներ են իրականացվում: 2020 թվականի առևտրաշրջանառության արդյունքը (Շարունակությունը՝ 2-րդ էջում)

ԻՐԱԿԼԻ ԿՈՒԲԱԽԻԶԵ. «2027-ԻՆ ՄԵԿ ՇՆՉԻ ՀԱՇՎՈՎ ՀՆԱ-Ի ԲԱԺԻՆԸ ԿԳԵՐԱՉԱՆՅԻ 10 ՀԱՉԱՐ ԴՈԼԱՐԻ ՇԵՄԸ»

«Վրացական երազանք» կառավարող կուսակցության նախագահ Իրակլի Կոբախիձեն հայտարարեց, որ գնաճի վերաբերյալ կանխատեսումը կարելի է, քանի որ բնակչությանը պատուհասած հիմնական խնդիրներից մեկը հենց գնաճն էր:



- Շատ դրական միտում կա, գլխավորն այս միտումը պահպանելն է: Ըստ Արժույթի միջազգային հիմնադրամի կանխատեսման, 2027 թվականին Վրաստանում մեկ շնչին բաժին հասնող ՀՆԱ-ն առաջին անգամ կգերազանցի 10 հազար դոլարի շեմը: Այսօր ՀՆԱ-ն կազմում է 6800 դոլար, ինչը հսկայական աճ է այն դեպքում, որ 2 տարի առաջ 4250 դոլար էր, ինչը նշանակում է, որ մենք արդեն տնտեսական զարգացման առումով համապատասխանում ենք Եվրամիության նվազագույն չափանիշներին,- ասաց Իրակլի Կոբախիձեն:

ԶՈՒՐԱԲ ԱԶԱՐԱՇՎԻԼԻ. «ԱՌԱՋԻԿԱ 15 ՕՐԵՐԻՆ ԴԵՂԱԳՈՐԾԱԿԱՆ ՈԼՈՐՏԸ ՀՆԱՐԱՎՈՐՈՒԹՅՈՒՆ ԿՈՒՆԵՆԱ ՎԵՐԱՆԱՅԵԼՈՒ ԴԵՂԵՐԻ ՍԱՀՄԱՆԱՅԻՆ ԳՆԵՐԸ»

Ինչպես նշեց Վրաստանի առողջապահության նախարար Զուրաբ Ազարաշվիլին, առաջիկա երկու շաբաթվա ընթացքում դեղագործական ոլորտը հնարավորություն կունենա վերանայելու դեղերի շեմային գները, իսկ պատճառաբանված պահանջի դեպքում, հարցը կքննարկվի հատուկ խորհրդի կողմից:



- Առաջիկա 15 օրվա ընթացքում ոլորտը հնարավորություն ունի վերանայել գները: Եթե նա որեւէ կոնկրետ մեկի վերաբերյալ պատճառաբանված

(Շարունակությունը՝ 2-րդ էջում)

ԳԱԳԱՅԻՆՈՒԹՅՈՒՆ

ԻՐԱԿԼԻ ՂԱՐԻԲԱՇՎԻԼԻ. «ԱՅՍ ՏԱՐԱԾԱՆՐՁԱՆԸ ՊԱՏԿԱՆՈՒՄ Է ՄԵՃ` ՀԱՅԱՍՏԱՆԻՆ, ԱՊՐԲԵՋԱՆԻՆ ՈՒ ՎՐԱՍՏԱՆԻՆ. ՄԵՆՔ ԿԱՐՈՂ ԵՆՔ ԱՅՍ ՏԱՐԱԾԱՆՐՁԱՆԸ ՎԵՐԱԾԵԼ ԽԱՂԱՂՈՒԹՅԱՆ ԵՎ ԲԱՐԵԿԵՅՈՒԹՅԱՆ ՀՆԱՐԱՎՈՐՈՒԹՅԱՆ»

(Սկիզբը՝ 1-ին էջում)

ասել, որ Վրաստանն իրականում չեզոք եւ անկողմնակալ միջնորդ է: Իրոք, մեր շահերից է բխում ռեակտիվ համդիպման անցկացումը, քանի որ այս տարածաշրջանը պատկանում է մեզ՝ Հայաստանին, Ադրբեջանին, Վրաստանին: Այս հնարավորությունը մենք կարող ենք օգտագործել ի նպաստ տարածաշրջանի խաղաղության եւ բարգավաճման:

Մի բան նշեմ, Սառը պատերազմի եւ խորհրդային տարիներին կար տերմին վստահիր, բայց ստուգիր, վստահությունը տեղին է, բայց Դավիթուն մեկ այլ արտահայտություն լսեցի՝ մի՛ վստահիր, սակայն համագործակցիր.- նշեց Վրաստանի վարչապետը:

Դավիթուն, տնտեսական գազաթափոցով շրջանակներում, Վրաստանի վարչապետը մասնակցեց համաշխարհային տնտեսական ղեկավարների «Բաճակաձուլումներ» նոր էներգետիկ իրա-

կանության շուրջ» քննարկմանը, համդիպումներ ունեցավ Սերբիայի նախագահ Ալեքսանդր Վուչիչի, էներգետիկական «ACWA Power» ընկերության նախագահ եւ գլխավոր տնօրեն Պեդրի Պադմանաթանի, «Adani Group»-ի նախագահ Գաուտամ Ադանիի, ծովային տերմինալների առաջատար օպերատոր «DP World» ընկերության նախագահ եւ գործադիր տնօրեն Սուլթան Ահմեդ Բին Սուլեյմի հետ:

Գազաթափոցով շրջանակներում անցկացված քննարկումներին, Վրաստանի վարչապետը խոսեց Վրաստանի տարածքով անցնող Արեւելք-Արեւմուտք միջանցքի, Անակլիայի խորջրյա նավահանգստի երկրում գործող ազատ արդյունաբերական եւ տնտեսական գոտիների, տնտեսական ոլորտում տարբեր մակարդակներով համագործակցության ծավալման հեռանկարների մասին:

- Բիզնես վարելու դյուրեւորության առումով մենք գտնվում ենք 10-րդ եւ

20-րդ տեղերում, տնտեսական ազատության, բազմաթիվ այլ վարկանիշների եւ ինդեքսների համատեքստում: Նաեւ ուզում եմ ասել, որ Վրաստանում ունենք չորս ազատ արդյունաբերական եւ տնտեսական գոտի, սա հազվադեպ հնարավորություններ է, որ օտարերկրյա ընկերությունները գան, ծեռնարկություններ ստեղծեն, ներդրումներ կատարեն Ադրբեջանում, Վրաստանում, եւ մենք ուզում ենք դա կապել վերականգնվող էներգիայի հետ: Վրաստանը հարուստ է հիդրոէլեկտրական ռեսուրսներով: Մենք մշակել ենք ռազմավարություն, որտեղ մենք մտադիր ենք մեծ ներդրումներ կատարել վերականգնվող էներգիայի, արելի, քամու եւ այլնի ոլորտում: Մենք ցանկանում ենք օգտագործել այս էժան էներգիան եւ մեր երկրի ռազմավարական դիրքը: Այս ամենը կնպաստի բիզնեսով զբաղվելուն եւ շահավետ կլիմի ներդրողների համար,-հայտարարեց Իրակլի Դարիբաշվիլին:



ԱՄՆ ԿՈՆԳՐԵՍԻ ՆԵՐԿԱՅԱՅՈՒՑԻՉՆԵՐԻ ՊԱԼԱՏԻ ՆԱԽԱԳԱՐՆ ԸՆՏՐՎԵՑ 15-ՐԴ ՔՎԵԱՐԿՈՒԹՅԱՆ ԱՐԴՅՈՒՆՔՈՒՄ

15-րդ քվեարկության արդյունքում հանրապետական Քեյն Մաքքարթին ընտրվեց ԱՄՆ Ներկայացուցիչների պալատի նախագահ: Մաքքարթին ստացել է պատվիրակների 216 ձայն: Վերջին 163 տարում սա ամենաերկար ընտրություններն էին Կոնգրեսի պատմության մեջ: Նաեւ Կոնգրեսի պատմության մեջ առաջին անգամ աֆրոամերիկացի Չաքիմ Ջեֆրիսը դարձավ դեմոկրատների առաջնորդ:

ԻՐԱՆ ՄԱՅԱՊԱՏԺ Է ԵՆԹԱՐԿԵԼ ՊԱՇՏՊԱՆՈՒԹՅԱՆ ՆԱԽԿԻՆ ՓՈԽՆԱԽԱՐԱՐԸ

Իրանում մահապատժի է ենթարկվել պաշտպանության նախկին փոխնախարար Ալի Ռեզա Աբբասը:

Իրանական լրատվամիջոցները հայտնում են, որ նախկին բարձրաստիճան պաշտոնյան կախաղան է բարձրացվել:

Իրանցի նախկին բարձրաստիճան պաշտոնյան ուներ Իրանի եւ Բրիտանիայի երկ-քաղաքացիություն: Ալի Ռեզա Աբբասը, ով ձերբակալվել էր 2019 թվականին, դատապարտվել էր Մեծ Բրիտանիայի համար լրտեսության եւ կոռուպցիայի համար: Ինքը՝ Աբբասը, հերքել է մեղադրանքները:

Բրիտանական կառավարությունը Ալի Ռեզա Աբբասի դեմ Իրանի որոշումը անվանել է «բարբարոսական ռեժիմի քաղաքական դրդապատճառներով արարք»:

ԻՏԱԼԻԱ ՄԱՅԱՑԵԼ Է ՋԻՆԱ ԼՈԼՈՐԻՋԻՆԱՆ

Յունվարի 16-ին, 95 տարեկան հասակում Իտալիայում մահացել է 1950-1960-ականների եվրոպական կինեմատոգրաֆիայի ամենափայլուն աստղերից մեկը՝ դերասանուհի Ջինա Լոլորիջիդան:

Նա նկարահանվել է ինչպես իտալացի, այնպես էլ՝ ֆրանսիացի, անգլիացի, ամերիկացի առաջատար ռեժիսորների ֆիլմերում:



ՎՐԱՍՏԱՆ - ՀԱՅԱՍՏԱՆ

ՆԻԿՈԼ ՓԱՇԻՆՅԱՆ. «ՀԱՅ-ՎՐԱՋԱԿԱՆ ՀԱՐԱԲԵՐՈՒԹՅՈՒՆՆԵՐԸ ՊԵՏՔ Է ԻՆՍՏԻՏՈՒՅԻՈՆԱԼ ԴԱՌՆԱՆ ՌԱԶՄԱՎԱՐԱԿԱՆ ԱՌՈՒՄՈՎ»

(Սկիզբը՝ 1-ին էջում)

յունքները շատ տպավորիչ են,- ասաց Նիկոլ Փաշինյանն ու հավելեց.

- Հիմա ավելի շատ կենտրոնացած ենք 2023 թվականի ցուցանիշների աճի վրա, որովհետեւ բարձր աճերը մի

խնդիր ունենւ՝ աճերը պետք է շարունակել, որովհետեւ եթե չշարունակենք, կունենանք հետընթաց: Իհարկե, քաղաքական, տնտեսական, մարդկային շատ ջերմ հարաբերություններ են հաստատված եւ պետք է այնպես անել, որ այդ հարաբերությունները ինստի-

տուցիոնալ դառնան ռազմավարական առումով: Այն, որ Հայաստանի եւ Վրաստանի քաղաքացիները կկարողանան սահման անցնել մույնականացման քարտերով, դա եւ տնտեսական, եւ քաղաքական, եւ մշակութային, մարդկային գործոն է: Կարծում եմ՝

այդ համագամանքն իրոք կնպաստի մեր երկրների հարաբերությունների զարգացմանը, մասնավորապես, քննարկում ենք Հայաստանում վրացերենի եւ Վրաստանում հայերենի ուսուցման որակի բարելավման հարցը,- եզրափակեց Նիկոլ Փաշինյանը:

ԴԻՎԱՆԱԳԻՏԱԿԱՆ

ԱՆԷՔՍԱՆԴՐ ՄԱՆՈՒՋԱՐՅԱՆԸ՝ ՎՐԱՍՏԱՆՈՒՄ ՀԱՅԱՍՏԱՆԻ ԴԵՄՊԱՆՈՒԹՅԱՆ ԽՈՐՀՐԱԿԱՆ, ԻՍԿ ԴԱՎԻԹ ՏԵՐ-ՄԿՐՏՅԱՆԸ՝ ՀՅՈՒՊԱՏՈՍ



Ալեքսանդր Մանուչարյանը ծնունդով Արցախից է, 37 տարեկան է: Ավարտել է Արցախի պետական համալսարանի իրավագիտության ֆակուլտետը: 2009-2022 թթ. զբաղեցրել է տարբեր պաշտոններ Արցախի եւ Հայաստանի պետական մարմիններում: 2022թ. դեկտեմբերին գործուղվել է Վրաստանում Հայաստանի դեսպանություն՝ որպես դեսպանության խորհրդական, ով

Դավիթ Տեր-Մկրտչյանը ծնունդով Երեւանից է, 33 տարեկան է: 2022թ. դեկտեմբերին գործուղվել է Վրաստանում Հայաստանի դեսպանություն՝ կատարելու հյուպատոսի պարտականությունները: Ծնունդով Երեւանից է, մասնագիտությամբ իրանագետ, գերագանցությամբ ավարտել է Երեւանի պետական համալսարանի Արեւելագիտության ֆակուլտետի իրանագիտության ամբիոնը: 2017 թվականից աշխատանքի է անցել Հայաստանի ԱԳՆ-ում:



տու է տնտեսական հարցերի համար:

Վրաստանում Հայաստանի դեսպանության մամուլի ծառայություն

թվականից աշխատանքի է անցել Հայաստանի ԱԳՆ-ում:

«Վրաստան» թերթը շնորհավորում է նորանշանակ դիվանագետներին եւ մաղթում արդյունավետ գործունեություն ի նպաստ Հայաստան-Վրաստան միջպետական հարաբերությունների:

ՌՈՒՄ - ՈՒԿՐԱԻՆԱԿԱՆ ՌԱԶՄԱԿԱՆ ՀԱՎԱՍՏԱՐՈՒԹՅՈՒՆ. 331-ՐԴ ՕՐ

ԿԱՆԱԿԱԼԱՅԵ. «ՄԵՆՔ ԲՈԼՈՐ ՀԱՐԹԱՎՆԵՐՈՒՄ ԱԶԱԿՑԵԼ ԵՆՔ ՈՒԿՐԱԻՆԱՅԻՆ»

Մեկնաբանելով Վրաստանում Ուկրաինայի գործերի ժամանակավոր ներկայացուցիչ Անդրեյ Կասյանովի հայտարարությունը, թե ինչու է Վրաստանը հրաժարվում Ուկրաինային հանձնել անհատական պաշտպանության սարքավորումները, Թբիլիսիի քաղաքապետ Կախա Կալաձեն ասաց.

- Մեզ շատ է մտահոգում այն, ինչ կատարվում է Ուկրաինայում, մենք բոլոր միջազգային հարթակներում աջակցում ենք Ուկրաինային, բայց Վրաստանը չի կարող ներքաշվել պատերազմի մեջ, մենք ունենք մեր երկրի ազգային շահը:

ՈՒԿՐԱԻՆԱՆ ԿՍՏԱՆԱ ԾԱՆՐ ՄՊԱՌԱՋԻՆՈՒԹՅԱՆ ՀԵՐԹԱԿԱՆ ԽՄԲԱՔԱՆԱԿԸ

ՆԱՏՕ-ի գլխավոր քարտուղար Յենս Ստոլտենբերգը հայտնեց, որ առաջիկայում Ուկրաինան կստանա ծանր սպառազինության հերթական խմբաքանակը:

ՆԱՏՕ-ի գլխավոր քարտուղարն ակնկալում է, որ հունվարի 20-ին Ռաճշտայնի ամերիկյան ավիաբազայում Ուկրաինային աջակցության շփման խմբի համդիպման արդյունքներով կհայտարարվի Կիեւին նոր սպա-

ռազինություններ տրամադրելու մասին:

Ստոլտենբերգի խոսքով, Կիեւին Leopard 2 տանկերի հնարավոր մատակարարման հարցը «լինելու է այն թեմաներից մեկը», որոնք Ռաճշտայնում կքննարկվեն Ուկրաինայի ներկայացուցիչների ներկայությամբ:

ՈՒԿՐԱԻՆԱԿԱՆ ՈՒԺԵՐԸ 13 ԲՆԱԿԱՎԱՅՐԵՐՈՒՄ ԵՏ ԵՆ ՄՐԵԼ ՌՈՒՍԱԿԱՆ ՋԻՆՈՒԺԻ ՀԱՐՁԱԿՈՒՄՆԵՐԸ

Ինչպես տեղեկացրել է Ուկրաինայի զինված ուժերի գլխավոր շտաբը, ուկրաինական զինված ուժերը Սոլեդարի, Դոնեցկի եւ Լուգանսկի մարզերի շուրջ 13 բնակավայրերում կարողացել են ետ մղել ռուս բռնազավթիչների հարձակումները: Գլխավոր շտաբը տեղեկացնում է նաեւ, որ ռուսները շարունակում են բնակավայրերի հրթիռակոծությունը:

ՌՈՒՍԱԿԱՆ ՋԻՆՎԱԾ ՈՒԺԵՐԻ ՊԵՏԸ՝ ՈՒԿՐԱԻՆԱՅՈՒՄ ՌՈՒՍԱԿԱՆ ԶՈՐՔԵՐԻ ՀՐԱՄԱՆԱՏԱՐ

Ռուսաստանի նախագահ Վլադիմիր Պուտինի հրամանագրով Ռուսաստանի զինված ուժերի գլխավոր շտաբի պետ Վալերի Գերասիմովը նշանակվել է Ուկրաինայում գործող ռուսական զորքերի հրամանատար:

Նորանշանակ հրամանատարը շարունակում է ուկրաինական էներգետիկ ենթակառուցվածքների եւ ռազմական նշանակության օբյեկտների կետային հրթիռակոծությունը: Ռուսական լրատվամիջոցների տեղեկատվությամբ, վերջին օրերի հրթիռակոծության արդյունքում շարքից դուրս է բերվել Ուկրաինայի էներգազենեքայի շուրջ 75 տոկոսը:

1,5 ՄԻԼԻԱՐԴ ԵՎՐՈՅԻ ՕԳՆՈՒԹՅՈՒՆ ՈՒԿՐԱԻՆԱՅԻՆ

Եվրահամձեռնակողը նախատեսում է 2023 թվականի համար մակրոֆինանսական օգնության նոր փաթեթից ամեն ամիս 1,5 միլիարդ եվրոյի օգնություն փոխանցել Ուկրաինային:

Միջոցները նախատեսված են օգնելու Ուկրաինային բավարարել կարճաժամկետ ֆինանսավորման հրատապ կարիքները: Օգնության ստացումը պետք է ուղեկցվի երկրում իրականացվող բարեփոխումներով, բացի այդ, հաշվետվության պահանջներ են սահմանվում «միջոցների թափանցիկ եւ արդյունավետ օգտագործում ապահովելու համար»:

Ամսական փոխանցումները կախված կլինեն այս պայմանների կատարումից:

Ըստ լրատվական գործակալությունների

Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՅՆԵՐԸ

ԱՌՈՂՋԱՊԱՅՈՒԹՅՈՒՆ

ՋՈՒՐԱԲ ԱԶԱՐԱՇՎԻԼԻ. «ԱՌԱՋԻԿԱ 15 ՕՐԵՐԻՆ ԴԵՂԱԳՈՐԾԱԿԱՆ ՈԼՈՐՏԸ ՀՆԱՐԱՎՈՐՈՒԹՅՈՒՆ ԿՈՒՆԵՆԱ ՎԵՐԱՆԱՅԵԼՈՒ ԴԵՂԵՐԻ ՍԱՀՄԱՆԱՅԻՆ ԳՆԵՐԸ»

(Սկիզբը՝ 1-ին էջում)

պնդում ունի, մենք կքննարկենք: Դրա համար ստեղծվել է հատուկ խորհուրդ: Մնացած դեպքերում սահմանային գնե-
րն ուժի մեջ կմտնեն փետրվարի 15-ից: Փետրվարի 15-ից մանրածախ եւ մեծա-
ծախ առեւտրականները պարտավոր են ապահովել դեղերի վաճառքը նոր գնե-

րով,- ասաց Ջուրաբ Ազարաշվիլին եւ հավելեց, որ դեղերի գնի վերին շեմի ու-
ժի մեջ մտնելուց հետո, խախտումների դեպքում ընկերությունները կտուգանվեն:

- Ինչպես գիտեք, տարիներ առաջ վե-
րացվել էին բոլոր կարգավորումները թե՛ դեղագործական, թե՛ հիվանդանոցային ոլորտում: Հիմա մենք պետք է կանոնա-
կարգ մտցնենք: Իհարկե, այսքան տարի-

ներ, երբ բիզնեսը կանոնակարգ չուներ, նրանց համար շատ ավելի հեշտ էր գոր-
ծել: Մենք, անշուշտ, չկարողացանք հաս-
նել դեղերի հասանելիությանը դեղերի հա-
մապատասխան գների ապակարգավոր-
ման միջոցով: Ուստի, անհրաժեշտ էր կա-
նոնակարգ մտցնել: Մենք ունենք եւս մի քանի կանոնակարգ, որոնք փուլ առ փուլ կներդրվեն,- ասաց Ջուրաբ Ազարաշվիլին:

ԴԻՐՔՈՐՈՇՈՒՄ

ԹԵԱ ԾՈՒԼՈՒԿԻԱՆԻ. «ԱԶԳԱՅԻՆ ՇԱՐԺՄԱՆ ՀԱԿԱԱԶԳԱՅԻՆ ՔԱՅԼԵՐՆ ԱՌԱՎԵԼ ԱԿՆՀԱՅՑ ԵՆ ԴԱՌՆՈՒՄ»



Վրաստանի փոխվարչապետ, մշակույթի, սպորտի եւ երիտասարդության հարցերով նախարար Թեա Ծուլուկիանին, մեկնաբանելով վերջերս ազգային շարժման շարքերում միմյանց վարկաբե-
կիչ տեղեկատվության տարածումն ու Ուկրաինայի նախագահի աշխատակազմի խորհրդական Միխեիլ Պողոյակի հակավրացական հայտարարությունները, նշեց, որ ամենայն հավանականու-
թյամբ շարունակվում են Վրաստանը, նրա ղեկավարությունն ու ժողովուրդը ռազմական դիմակա-
յության մեջ ներգրավելու փորձերը, թեւս Վրաստանի իշխանությունը դա երբեք թույլ չի տա:

- Բնականաբար, մենք չենք հայտնվի ռազմական դիմակայու-
թյան կողմերից մեկում: Հավաս-

Անդրադառնալով Ազգային շարժման շարքերում միմյանց վարկաբեկող տեսագրությունների եւ ձայնագրությունների տարածման փաստին՝ փոխվարչապետը նշեց, որ Ազգային շարժումն իր կառավարման օրոք բազում քայլեր է իրակա-
նացրել ընդդեմ Վրաստանի եւ իսոպոլ՝ Ռուսաստանի:

- Ամենայն հավանականությամբ, հրապարակած տեսագ-
րություններն ու ձայնագրությունները տարածվում են Ազգա-
յին շարժման այս կամ այն խմբի վարկաբեկման նպատակով, թեւս դա մեզ չի հետաքրքրում, ուղղակի դրանց տարածումն ակնհայտ է դարձնում Ազգային շարժման հակավրացական եւ հակապետական բնույթը,- նշեց Թեա Ծուլուկիանին:

տիացնում ենք, որ իշխանության, երկրի գլխավոր ուղին ու դիրքորոշումն այն է, որ չենք գրավվենք պատերազմին:

Մենք շատ պատերազմներ ենք անցել եւ հիմալի գի-
տենք, թե ինչ ողբերգություն է պատերազմը: Ուստի, թույլ չենք տա: Դա մեր պատասխանատվությունն է մեր երկրի առ-
ջեւ: Հուսով եմ, որ պատերազմը մոտ ժամանակներս կավարտ-
վի եւ կավարտվի ուկրաինացիների հաղթանակով,- հայտա-
րարեց Ծուլուկիանին:

«ԺՈՂՈՎՐԴԻ ՈՒԺ». «ՄԻՒՆԵԻԼ ՍԱԱԿԱՇՎԻԼՈՒ «ՔԱՐՏԻ» ՇԱՀԱՐԿՈՒՄԸ ՇԱՐՈՒՆԱԿՎՈՒՄ Է»

«Ժողովրդի ուժ» շարժման ղեկավար-
ներից Սոգրա Սուբարին, անդրադառնա-
լով Վրաստանի երրորդ նախագահ Մի-
խեիլ Սաակաշվիլու առողջական վիճա-
կի, հայտարարեց, որ «Ժողովրդի ուժի հանդգմամբ, եթե Միխեիլ Սաակաշվիլու
«տերերը» նրան չկարողանան ազատել բանտից, կգործարկեն «Բ» ծրագիրը, ըստ
որի բացառված չէ, որ երրորդ նախագա-
հին որպես «ուսկե վկայի» վերացնեն, իսկ
նրա մահվան մեջ մեղադրեն իշխանու-
թյուններին ու այդ պատրվակով երկրում
զանգվածային իրարանցում առաջաց-
նեն: Դրա վերջնական նպատակը իշխա-
նության բռնազավթումն է եւ Վրաստա-

նում Ռուսաստանի
դեմ երկրորդ ճակա-
տի բացումը:

Ի պատասխան
«Ժողովրդի ուժ»
շարժման վերոնշյալ
հայտարարության,
Վրաստանի ընդդի-
մադիր կուսակցու-
թյունները տարածել
են հայտարարություն,
ըստ որի, «Սաակաշ-
վիլու դեմ իրականաց-
վում է հատուկ գործողություն», ժողովր-
դին նախապատրաստում են եւ ռուսա-



կան սցենարով Սաակաշվիլու սպանու-
թյան մեջ կմեղադրեն Արեւմուտքին:

COVID-19

ՀԱՄԱՎԱՐԱԿԱՅԻՆ ԻՐԱՎԻՃԱԿԸ ՎԵՐԱՀԱՅՎՈՒՄ Է, ԹԵՎ ՄՊԱՌՆԱԼԻՔՆ ԱՌԿԱ Է

Այսօրվա դրությամբ, Վրաստանում օրական գրանցվում է կորոնավիրուսով վարակման 200-300 դեպք:

Գիշտ է, առողջապահու-
թյան ոլորտի ներկայացուցիչ-
ների հավաստմամբ իրավի-
ճակը վերահսկվում է, սակայն
սպառնալիքներն էլ առկա են:
Մասնավորապես, աշխարհի
առանձին երկրներում վավե-
րացվել է «Օմիկրոնի» նոր տե-
սակի՝ «Կրիկեմի» եւ այլ տե-

սակների տարածման փաս-
տերը, վիրուսներ, որոնք կա-
րող են հայտնվել նաեւ Վրաս-
տանում: Փորձագետները բնակ-
չությանը կոչ են անում ակտի-
վորեն պատվաստվել եւ ըն-
դունել «բուստեր» ձեւաչափը:
Միաժամանակ նշվում է, որ
Գիշտ է, «Կրիկեմի» շատ արագ

է տարածվում, սակայն, որպես
օրենք, հիվանդությունը թեթեւ
ընթացք է ունենում:

Փորձագետների հավաստ-
մամբ, կորոնավիրուսի նոր են-
թատեսակը՝ «Կրիկեմի»-ը, նման
է «Օմիկրոն»-ին եւ չի արտա-
հայտվում շատ բարձր ջերմու-
թյամբ, ակնհայտ թուլությամբ,
նաեւ չի ազդում թոքերի վրա:

- Եթե դուք ունեցել եք կո-
րոնավիրուս մինչեւ 2022 թվա-

կանի հուլիսը, ուրեմն՝ դեռ դի-
մադրություն ունեք «Օմիկ-
րոն»-ի ենթատեսակի նկատ-
մամբ: Եթե պատվաստվել եք
նոր երկվալենտ պատվաս-
տանյութով կամ սեպտեմբե-
րից հետո ստացել եք boost-
er (խթանիչ) դեղաչափ, ապա
այս տարբերակից ձեր պաշտ-
պանվածությունը բարձր է,-
տեղեկացրին առողջապահու-
թյան նախարարությունից:

ՏԱՐԱԾԱՆԵՐԱՆ

ԱՆԱԼՔԱՆԱԲԻ. ԿԱՆՑԿԱՑՎԵՆ ՀԱՆԴԴՈՒՄՆԵՐ «ԳՅՈՒՂԻ ԱՋԱԿՑՈՒԹՅԱՆ ԾՐԱԳՐԻ» ՇՐՋԱՆԱԿՆԵՐՈՒՄ

Ախալքալաքիի մունիցիպալիտետում, «Գյուղերի աջակցության ծրագրի» շրջանակներում, հունվարի 30-ից փետրվարի 14-ը կանցկացվեն հանդիպումներ գյուղերի բնակիչների հետ՝ առաջնահերթ խնդիրների ընտ-
րության նպատակով:

Ծրագրի իրականացման համար Վրաստանի շրջան-
ներում իրականացվելիք նախագծերի ֆոնդից Ախալքա-
լաքիի քաղաքապետարանին հատկացվել է 922 հազար
լարի: Յուրաքանչյուր գյուղ գումար է ստացել փոքր են-
թակառուցվածքային ծրագրի իրականացման համար՝
հաշվի առնելով բնակիչների թիվը:

Ֆինանսավորվող ծրագրերն ընտրելու համար տեղի
բնակիչներն ընդհանուր ժողովների կամ խորհրդակցու-
թյունների ժամանակ ձայների մեծամասնությամբ որոշ-
ել են, թե ինչի համար է ծախսվելու բնակավայրի հա-
մար հատկացված գումարը:

ՆԻՆՈՇՄԻՆՂԱ. ՍԱԿՐԵԲՈՒԼՈՆ ՀԱՍՏԱՏԵՑ ԱՌԱՋՆԱԴԵՐՈՒԹՅՈՒՆՆԵՐԻ ՓԱՍՏԱԹՈՒԴԹԸ

Հունվարի 17-ին Նինոծմինդայի մունիցիպալիտետի
սակրեբուլոն, ընթացիկ տարվա իր անդրանիկ միստում,
հաստատեց 2023-2027 թվականներին տարածաշրջա-
նային նախագծերի հիմնադրամից ֆինանսավորվող եւ
իրականացվելիք նախագծերի նախագծային առաջար-
կությունները: Փաստաթուղթը ներկայացնում է այն հիմ-

նական առաջնահերթությունները, որոնք մունիցիպալի-
տետում առաձնակի նշանակալից են, մասնավորապես
խոսքը վերաբերում է մունիցիպալիտետի բնակավայրեր
տանող ճանապարհների, ներքին ճանապարհների կար-
գավորմանն ու ասֆալտապատմանը, ջրամատակարար-
ման համակարգերի վերանորոգմանը:

Ըստ փաստաթղթի, 2023 թվականին ծրագրված է 856
842 լարիով կարգավորել Մեծ Արագայի եւ Սաթխա գյու-
ղերի ջրամատակարարումը, 968 609 լարիով Օրոջա-
լար, Ղաուրմա եւ Ջիգրաշեն գյուղերի ջրամատակարար-
ման ցանցի վերանորոգումը, 45 հազար լարիով Նինոծ-
մինդայի Պուշկինի փողոցում գտնվող բակի կարգավո-
րումը, 2 055 032, 540 830, 245 656 լարիով համապա-
տասխանաբար՝ Գորելովկա, Ջիգրաշեն եւ Օրոջալար
գյուղերի ներքին ճանապարհների կարգավորումը:



ՀՈՒՆՎԱՐԻ 14-Ը՝ «ՎՐԱՍՏԱՆԻ ՊԵՏԱԿԱՆ ԴՐՈՇԻ ՕՐ»

Հունվարի 14-ին Վրաստանը նշեց «Պե-
տական դրոշի օրը»: Տոնի հիմնական ավան-
դույթը վրացական դրոշներ կախելն է:

Վրաստանի դրոշը պատկերված է ճե-
րմակ կտավի վրա հինգ խաչով. չորսը՝ եզ-
րերին, մեկը՝ կենտրոնում, ինչը խորհրդան-
շում է Հիսուս Քրիստոսին եւ չորս ավետա-
րանիչներին: Ջինանշանի եւ օրհներգի հետ
մեկտեղ, այն Վրաստանի գլխավոր պաշ-
տոնական խորհրդանիշներից մեկն է:

«Վրաստանի պետական դրոշի մասին»
օրենքը խորհրդարանի կողմից հաստատ-
վել է «Վարդերի հեղափոխությունից» հե-
տո, 2004 թվականի հունվարի 14-ին: Նույն
օրը խորհրդարանի շենքի վրա բարձրաց-
վեց եւ մինչեւ օրս ծածանվում է կարմիր ու
սպիտակ գույներով դրոշը:

ՆԱԽԱԳԱՀԱԿԱՆ ՆԵՐՈՒՄ ԻՆԸ ԴԱՏԱՊԱՐՏՅԱԼԻ

Վրաստանի նախագահ Սալոմե Ջուրա-
բիշվիլին 2023 թվականի հունվարի 13-ին
ներում է շնորհել ինը դատապարտյալի:

Ինն էլ ազատվել են քրեակատարողա-
կան հիմնարկում ազատազրկման հետա-
գա պատիժը կրելուց:

Ներման արժանացած դատապարտյալ-
ները նույն օրը լքել են քրեակատարողա-
կան հիմնարկները:

ԽՈՐՀՐԴԱՐԱՆԻ ԳԱՐԱՆԱՅԻՆ ՆԱՏԱՆԵՐԱՆԸ ԿԲԱՅՎԻ ՓԵՏՐՎԱՐԻ 7-ԻՆ

Վրաստանի խորհրդարանը պաշտոնա-
պես կվերսկսի իր գործունեությունը փետր-
վարի 7-ից:

Կանոնակարգի համաձայն, օրենսդիր
մարմինն իր զարմանային նստաշրջանը սկ-
սում է փետրվարի առաջին երեքշաբթի օրը:

Այս տարվա զարմանային նստաշրջանը
բավական հազեցած է լինելու: Բացի Եվրա-
հանձնաժողովի հանձնարարականներից,
խորհրդարանի զարմանային նստաշրջանում
քննարկման առարկա կդառնան պետական
գերատեսչությունների գեկույցները, որոնց
թվում վարչապետի, պետական անվտանգու-
թյան ծառայության, Վրաստանի ազգային
բանկի, պետական աուդիտի ծառայության,
ինչպես նաեւ ժողովրդական պաշտպանի:

Ըստ կանոնակարգի, զարմանային նս-
տաշրջանը փակվում է հունիսի վերջին:

ՏԱՐԱԴՐԱՄԻ ՓՈԽԱՆԱԿԱՄԱՆ ԿՈՒՐՍԸ (20 հունվարի)

Ազգային բանկի կողմից սահմանվել է տարադրամի հետեւյալ կուրսը:

Տարադրամ	Լարի
1 ԱՄՆ ԴՈԼԱՐ	2.6695
1 ԵՎՐՈ	2.8983
100 ՌՈՒԲԼԻ	3.8780
1000 ԴՐԱՄ	6.7540

ՀՈԳԵՎՈՐ

ՎԻՐԱՄՏԱՆՈՅ ԹԵՄԻ ԱՌԱՋՆՈՐԴԻ ԿԻՐԱԿԵՐՈՐՅԱՆ ԲԱՐՈՋԻՆՈՍՈՒԹՅՈՒՆԻՅ

«ՓՈՐՁՈՒԹՅՈՒՆՆԵՐՆ ԱՌԱՎԵԼ ԱՄՐԱՊԵՏՈՒՄ ԵՆ ՄԵՐ ՀԱՎԱՏՔԸ»



Անցած կիրակի՝ հունվարի 15-ին, Թբիլիսիի Սուրբ Գեորգ առաջնորդանիստ եկեղեցում, հավարտ կիրակնօրյա Սուրբ պատարագի, Վիրահայոց թեմի առաջնորդ Տեր Կիրակոս վարդապետ Դավթյանն իր քարոզում, ի մասնավորի, հետևյալն ասաց.

- Սիրելի հավատացյալներ, այսօր ընթերցվեց Սուրբ Ավետարանի ամենագեղեցիկ հատվածներից մեկը, որը վերաբերում է Գալիլիայի Կաննա քաղաքում տեղի ունեցած հարսանիքին, որի ժամանակ Հիսուս Քրիստոսը կատարեց իր առաջին հրաշքը՝ ջուրը դարձնելով գինու։ Մենք պետք է հիշենք, որ Ավետարանն այն գիրքն է, որն ամեն անգամ մարդուն մի նոր բան է սովորեցնում։

Այսօր Գալիլիայի Կաննա քաղաքում տեղի ունեցած հարսանիքի պատմությունից անդրադառնանք մի հատվածի. այդ օրը Հիսուս Քրիստոսը մոր հետ մասնակցում էր հարսանեկան խնջույքին, եւ այնպես է ստացվում, որ այդ խնջույքի ժամանակ գինին վերջանում է։ Մարիամ Աստվածամայրը դիմում է Հիսուսին՝ ասելով, որ գինին վերջացել է։ Հիսուս Քրիստոսը, մեզ համար մի փոքր տարօրինակ ձեւով պատասխանում է. «Ի՞նչ ես ուզում ինձանից, ով կին...»։ Եվ այստեղ հետաքրքրական են Մարիամ Աստվածածնի խոսքերը. նա շրջվում է եւ հարսանեկան խնջույքի սպասավորներին ասում. «Արե՛ք այնպես, ինչպես որ Ինքը ձեզ կասի»։

Հրեաների մոտ սովորություն կար. Դրսում՝ նախամուտքի մետ, տակառների մեջ ջուր էին լցնում, եւ երբ հյուրերը կամ ընտանիքի անդամը դրսից գալիս էին տուն, այդ մաքուր ջրով լվացվում էին, նոր ներս մտնում տուն։ Ինչպես նաեւ աղոթք անելուց առաջ էին լվացվում եւ հետո կանգնում աղոթքի։

Հիսուս Քրիստոսը հրամայեց ներս բերել այդ տակառները եւ մեջը լցված մաքուր ջուրը բաժանել ժողովրդին։ Այստեղ հետաքրքիր է սեղանապետի խոսքերը. «Սովորաբար մեծ խնջույքների ժամանակ սկզբից մատուցում են լավ գինի, եւ երբ մարդիկ արդեն գինովցած են լինում, նոր մատուցում են վատ գինի, որ չզգացվի։ Այստեղ տեղի ունեցավ հակառակը։ Սկզբից մատուցվեց սովորական գինի, իսկ հիմա ավելի համեղ գինի»։

Այս է առաջին հրաշքը, որ գործեց Հիսուս Քրիստոսը։

Եկեք անդրադառնանք Հիսուս Քրիստոսի եւ նրա մոր հարաբերություններին։ Լինելով Աստված, լինելով Ամենակարող՝ Քրիստոսը չուզեց մերժել իր երկրավոր մոր խնդրանքը։ Մարիամ Աստվածածինը Քրիստոսի ծնված օրից հավատում էր, որ ծնվել է Մեսիան՝ Փրկիչը։ Եվ այդ պահին նրան առաջնորդում էր հավատը։ Նա հավատում էր, որ որդին՝ որպես Աստված, կարող է հրաշք գործել, եւ որպես որդի՝ նրա որդիական սերը թույլ չի տա մերժել իր խնդրանքը։ Հենց այդ հավատքն էր որդու նկատմամբ, որ ուժ տվեց Մարիամ Աստվածածնին դիմանալ որդու չարչարանքներին։

Այսօր բոլորը շատ լավ գիտեք, թե ինչ վիճակում է գտնվում Արցախի հարյուր քսան հազարից ավելի բնակչությունը։ Մեծ փորձություն են անցնում նրանք՝ սով է, դեղերի պակաս, ի՞նչ է, բազմության մեջ չկա՞ն հավատացյալներ։ Անշուշտ կան, չկա՞ն ավելի ուժեղ հավատացյալներ, իհարկե՝ կան, չկա՞ն անհավատներ, իհարկե կան, սակայն անհավատը հավատացյալի հետ միասին անցնում է նույն փորձությունը։ Այդ փորձությունը չի տրված մեկին ավելի, մյուսին պակաս, մեկին հիվանդության չափով, մյուսին՝ հարազատ կորցնելու եւ այլն։ Եվ այդ ժամանակ է, որ մենք պետք է ցույց տանք մեր հավատքը եւ մեր հավատքի ուժով մտածենք ու գործենք։

Մենք պետք է կարողանանք հասկանալ, որ մենք մարդ ենք, ֆիզիկական եւ հոգեւոր անցնում ենք փորձությունների միջով եւ այդ դժվարությունների ու փորձությունների ժամանակ ունենք մի գեներ՝ մեր հավատքը եւ ունենք մի հովանավոր՝ մեր Տեր Աստվածը։ Եվ պետք է ինչ-որ չափով հասնենք Առաքյալի այն խոսքերին, որ ասում է. «Ինչի՞ց պետք է ես վախենամ, եթե գիտեմ, որ Աստված ինձ հետ է»։

Օրհնեալ եղերուք ի շնորհաց Սուրբ Հոգւոյն։ Երթայք խաղաղութեամբ եւ Տէրն մեր Հիսուս Քրիստոս եղիցի ընդ ձեզ ընդ ամենեսեանդ. ամէն։

ՀՈԲԵԼՅԱՆ

ԹԲԻԼԻՍՅԱՆ ՀԱՅ ԳԵՂԱՆԿԱՐԶՈՒԹՅԱՆ ՀՈԳԱՏԱՐ ՀԱՎԱՔՈՐԴԸ

Միշտ չէ, որ մարդկային էության մեջ ներդաշնակված են գիտության ու արվեստի եւ հատկապես գեղարվեստի, մարդկայնության, բարեկամության ու քաղաքացիության վեհ արժեքներ ընկալողն ու կրողը։ Թերեւս այդպես է նրան ճանաչողների կարծիքը։ Խոսքը մեր քաղաքի կոլորիտ հանդիսացող, ճանաչված գիտնական, արվեստի գործերի հայտնի հավաքորդ Ալեքսանդր Պիրադովի մասին է։



Եվ ո՞վ է Ալեքսանդր Բոգդանի Պիրադովը։ Տոհմիկ ազնվական ծագում ունեցող Ալեքսանդրն ավարտել է Թբիլիսիի երկաթուղային տրանսպորտի ինժեներների ինստիտուտը, ասպիրանտուրան, Մոսկվայում պաշտպանել թեկնածուական, ապա՝ դոկտորական թեզերը։ Երկար տարիներ դասախոսել է Թբիլիսիի տեխնիկական համալսարանում։ Մոսկվայում աշխատելու առաջարկ էլ է ունեցել, սակայն մերժել է, որովհետեւ խոստովանում է, որ առանց Թբիլիսիի չի կարող ապրել։ Արդեն 90-ամյակը թեւակոխած այս պատկառելի այրը հպարտանում է իր թբիլիսյան արմատներով։ Թբիլիսին իր տունն է, այստեղ ամեն մի փողոց, պատշգամբ կամ բակ իր պատմությունն ունի, եւ որ ինքն այդ պատմության համամասնակիցն ու վկան է։ Մեզ հետ զրույցում առանձնակի սիրով ու ջերմությամբ է պատմում քաղաքի կենցաղի ու բարքերի մասին. «Թբիլիսին այն քաղաքն է, որտեղ ոչինչ զաղտնի չի մնում, որտեղ «իսկական մարդ» զնահատականին զգուշորեն են վերաբերվում, որտեղ յուրահատուկ հարաբերություններ գիտեն, եւ որտեղ բոլորը բոլորի մոտ ծանոթներն են։ Այսպիսին են այն թբիլիսցիների կարծիքը, ովքեր «իսկական», «կորեմնոյ» բնիկներ են։ Ավագ սերնդի թբիլիսցի կոլորիտներն ասում են, եթե թբիլիսցի լինել եւ այստեղ ապրել ես ուզում, ուրեմն պիտի հետեւես այս քաղաքի կանոններին, հարգես չգրված օրենքները եւ որդեգրես այն վարքագիծը, որը հարիր է իսկական թբիլիսցուն»։

Ալ.Պիրադովը գեղանկարչությամբ տարվել է դեռ մանկուց։ Իսկ հավաքածու ստեղծելու գաղափարն առաջացել է պապի եղբոր՝ Վասիլի Բոգդանի Պիրադովի ընտանիքում պահվող երկու նկարներից (մոր եւ որդու դիմանկարներ)։ Վ.Պիրադովը եղել է Կերպարվեստի խրախուսման կոմկասյան ընկերության ցուցահանդեսների անփոխարինելի մասնակիցը, ինչպես նաեւ Կոմկասի նկարիչների փխսօգնության ընկերության հիմնադիրներից մեկը, որի ցուցահանդեսներին ցուցադրել են նաեւ իր աշխատանքները։

Ալեքսանդր Բոգդանովիչն արդեն 40 տարի է, ինչ զբաղվում է հատկապես թբիլիսցի հայ ճանաչված նկարիչների աշխատանքների հավաքմամբ։

Ներկայումս հավաքորդի արխիվում պահվում են 19-րդ դարի վերջից մինչեւ մեր օրերն ընկած ժամանակահատվածում ստեղծված 50 հեղինակի մոտ 200 յուղաներկ ու գրաֆիկական գործեր։ Անհերքելի է այն փաստը, որ այդ ստեղծագործողները խորապես սիրել ու ոգեշնչվել են քաղաքի բուհեմական կոլորիտով եւ ազգային բազմերանգության մեջ ստեղծել գեղարվեստական ու մարդկային ընդհանուր արժեքներ։ Ընդգծենք, որ ներկայացուցչական հավաքածուն ունի մեծ արժեք ու պատմական նշանակություն, քանի որ նրանում ընդգրկված են հայ արվեստի դասականներ Եղիշե Թադևոսյանի, Գեորգ Բաշինջաշյանի, Ալեքսանդր Բաթբեուկ-Մելիքովի, Գայանե Խաչատրյանի, Գիգո Շաքաբաշյանի, Վահրամ Գալֆեճյանի, Հարություն Շամշյանի, Հմայակ Հակոբյանի, Գեորգ Գրիգորյանի, Հովսեփ Կարալյանի, Լեւ Բոյախչեւի, Ալբերտ Դիլբարյանի եւ ուրիշների աշխատանքները։ Նկարներն աչքի են ընկնում ինչպես ժանրային՝ դիմանկարներ ու մերկ բնանկարներ, նատյուրմորտներ, այնպես էլ՝ ոճային բազմազանությամբ՝ ակադեմիականից մինչեւ ժամանակակից, իմպրեսիոնիզմ եւ արստրակցիա։

Ալ.Պիրադովը պարզապես հավաքորդ չէ, գեղարվեստի եւ տեխնիկայի իմացությունը, մեծ նրբանկատությունը, կերպարվեստի բնագավառի հանուստ գիտելիքները, կուտակված փորձն ու սուր աչքն օգնում են նրան ճանաչել նույնիսկ անստորագիր աշխատանքները։ Այնպես է պատահել, որ մի օր Թբիլիսիի «Սուխոյ մոստի» («Չոր կամուրջ») շուկայում շրջելիս նկատել է գետնաքարշ մի աշխատանք, չնչին գունարով գնել, տուն բերել, մաքրել ու Վահրամ Գալֆեճյանի «Ամառային» չքնաղ այդ էտյուդով զարդարել է բնակարանի պատը։ Նկատել ու ձեռք է բերել նաեւ Ալեքսանդր Բաթբեուկ-Մելիքովի «Բաղնիքում» փոքրիկ էտյուդը։

Նշենք, որ բացառիկ հավաքածուում տեղ են գտել նաեւ պակաս հայտնի անուններ, որոնց գործերի ընտրությունը պայմանավորված է գեղարվեստական բարձր ճաշակով։

Ալեքսանդր Բոգդանովիչն իրեն բնորոշ հետաքրքիր ոճով պատմում է հավաքածուում ներկայացված Էդգար Շահինի «Գործազուրկը» օֆորտի (ժանտաջրով՝ դիմապատկեր) մասին, որը հեղինակը նվիրել է հայ նշանավոր գրող Ալ.Շիրվանզադեին 1910 թվականին Փարիզում եւ վերջինիս կողմից բերվել Թիֆլիս։ Ու ավելում, որ հա-

վաքածուն ամբողջական կլինի, երբ կարողանա ձեռք բերել գեղարվեստի թբիլիսյան դպրոցի հիմնադիրներից Հովնաթանյանների եւ Վանո Խոջաբեկյանի աշխատանքներից, որոնք, ցավոք, վաճառքում ոչ մի անգամ չի հանդիպել։

Հիմնական հավաքածուից բացի, սեփական մտահղացմամբ պրոֆեսոր Պիրադովը ստեղծել է նաեւ թբիլիսցի հայ եւ վրացի նկարիչների ափսեանկարների հավաքածու՝ 53 աշխատանքից բաղկացած։ Ի դեպ, դրանց ցուցադրությունը պատշաճ մակարդակով անցկացվեց նախորդ տարվա հոկտեմբերին՝ միջմշակութային հարաբերությունների կենտրոն «Կովկասյան տանը»։

Պարոն Պիրադովին արվեստասեր հասարակայնությունը ճանաչում է նաեւ որպես գեղարվեստա-երաժշտական երեկոների կազմակերպիչ, որոնք հայտնի են «Պիրադովյան երեկոներ» անվամբ։ Հոգու ու սրտի թելադրանքով կազմակերպվող միջոցառումները մեծ հաջողությամբ անցկացվել են ոչ միայն Թբիլիսիում, այլեւ Թելավիում, Երեւանում, Մոսկվայում ու Կրակովում։ Կրթական գործունեության վառ օրինակ են մայրաքաղաքի թիվ 104 դպրոցի սաների համար (2006-2008 թթ.) մեր մեծերին՝ Հովհաննես Թումանյան եւ Արմեն Տիգրանյան համագործակցությանը, հանճարեղ Այվազովսկուն նվիրված, վիրահայ շնորհաշատ նկարիչ Թենգիզ Միկոյանցի առաջին ցուցահանդես-միջոցառումները։

Երեկոներ կազմակերպելուց բացի, Ալեքսանդր Բոգդանովիչը այդ երեկոները նաեւ վարում է առանձնահատուկ ոճով, ներքին էներգիայով, դիմախաղով, ժեստերով ու բարյացակամությամբ՝ գեղարվեստական համարները հաճախ ընդմիջելով քաղաքային յուրօրինակ պատմություններով։ Հետաքրքիր զրուցակիցը մեզ է ներկայացնում դրանցից մեկը, որը լսել է հորից։ «Ծխախոտի հայտնի արդյունաբերող Ն.Բոգարջյանցը, ի պատիվ նորակառույց վեհաշուք առանձնատան (ներկայիս՝ ճոճքածեի 12) ավարտի, երեկույթ է կազմակերպում, որին հրավիրված էր նաեւ հայրս՝ գիմնագիստ Բոգդան Պիրադովը։ Բոգարջյանցի դուստրերից մեկին սիրահարված էր թբիլիսցի մեկ այլ մեծահարուստ Վարդանովի որդին՝ Կոլյան։ Վերջինս հրավիրյալների թվում չէր, որովհետեւ նրան այնքան էլ «մտավորական» չէին համարում։ Կոլյան դիմում է խորամանկության. Բոգդան Պիրադովի հետ պայմանավորվում է, որ կգա Բոգարջյանցի տուն, նրան դուրս կկանչի ու կտա բնակարանի բանալին, որն իբր ծնողները տանից հեռանալով խնդրել էին փոխանցել որդուն։ Եվ պայմանավորվածության համաձայն, Կոլյա Վարդանովը հայրիկիս փոխանցում է բանալին։ Իհարկե, ներկաները նրան լավ էին ճանաչում, ու շատերը զարմանք են կտրում, որ մեծահարուստի որդին հրավիրյալների շարքում չէ։ Սակայն տանտերը Կոլյային ներս չի հրավիրում՝ անկատար թողնելով իր սիրելիին հանդիպելու նրա ցանկությունը։ Ահա այսպիսի բարքեր էին հին Թիֆլիսում, այն որ կարեւորություն էր տրվում մարդ տեսակին, եւ ոչ թե՝ հարստությանը»,- հավելում է պատմողը։

Թբիլիսահայ արվեստագետների ստեղծագործական ժառանգության հոգատար հավաքորդի մասին մեր խոսքը թերի կլինի, եթե չառդարառնանք Ալեքսանդր Պիրադով-ընտանիքին։ Տիկին Իվետայի հետ նրանք վայելում են իրենց վաստակած հանգիստը, դստեր՝ Օլյայի ու որդու՝ Կոնստանտինի ուշադիր հոգածության ներքո։ Ի դեպ, թողնուիին՝ Վիկտորյան, արվեստաբան է։

Չմայած պատկառելի տարիքին, Ալեքսանդր Պիրադովը շարունակում է մնալ կենսախիճ, ունի սուր հումոր, բարձր ինտելեկտն ու պայծառ հիշողությունը նրա ուղեկիցներն են։ Եվ այս պահին էլ այդ պրպտող մարդն աշխատում է երկու նախագծերի շուրջ, որոնք մոտ ապագայում կներկայացվեն հասարակայնությանը։

Ուստի, առիթից օգտվելով, մեր ջերմ շնորհավորանքներն ենք հղում պարոն Ալեքսանդր Պիրադովին ծննդյան հոբելյանի առիթով, մաղթում Տիրոջ խնամակալ հովանու ներքո արեւշատ տարիների կյանք, եւ ինչու ոչ, նորանոր մտահղացումների իրականացում։

ԿԱՐԻՆԵ ՍԱՆՈՒԿՅԱՆ

«Վրաստան» թերթը միանում է վաստակաշատ հավաքորդ Ալեքսանդր Պիրադովի ծննդյան առիթով արված բազմաթիվ շնորհավորանքներին՝ մաղթելով քաջառողջություն, արեւառատ օրերով կյանք։